

Konkomba - Uwumbor Aagban - Salvation Scriptures

Efesus Yaab 2:2 Ni nan dii dulnyaa aasan mu kaa ḥan na, ki kii kinimbɔŋ ki ye tiwanbir mɔmɔk aayidaan na aamɔb. Kima le joo binib bi yii Uwumbor aamɔb na. Matiu 6:10 Saanaan dan. Bi li ḥani saageehn dulnyaa wee ni ke baah ḥani paacham pu na.

Luk 22:42 "Nte, ni yaa ye saageehn kan, nyan mi falaa u choo na ni. Tɔ, ḥa saageehn, ki taa ḥa maageehn."

Jɔnn 16:7-9 M tuk nimi mbamɔn la, m yaa buen kan, ni ḥan ki tii nimi; ba pu? m yaa kaa buen kan, Uteter ngbaan aan dan. M yaa buen kan, m ga tun ni u ni chee. 8 U yaa fuu ni kan, u ga mɔk dulnyaa ni aanib ke bi ye titunwanbirdam, ki ga mɔk bi ke m ye uninyaan la, ki ga mɔk bi ke Uwumbor ga ji bi tibɔr. 9 U ga mɔk bi ke bi ye titunwanbirdam; ba pu? baa gaa mi ki kii.

2 Timoti 2:10 Nima pu le m kpa limɔr falaa mɔmɔk ni, Uwumbor aanileekaab pu, aan bi mu kpaan Yesu Kristo ni, ki ḥmar, ki li kpa mpopiin mu kaa kpa ndoon na.

Rom Yaab 15:20,21 Nnimbil nan man ke m moon Kristo aabɔnyaan tee, binib aah kaa kee ḥun ti pu nin chee na. Maa nan ban m buen biken aah puen moon ti nin chee na. 21 Ba pu? ni ḥmee Uwumbor Aagban ponn ni ke, "Binib bi kaa kee ḥun waabor na, bi ga ḥun, ki bee taatataa."

Lituln 2:36,37 Le Piita ki len ke, "Israel yaab mɔmɔk, m ban ke ni sil bee ke ni ye Yesu aabor le m len. Nimi le kpaa u ndɔpuinkoo pu. Uwumbor le mɔk ke uma Yesu le ye Waanileekoo Kristo, ki ye Tidindaan." 37 Kinipaak ngbaan aah ḥun Piita aah len pu na, le ni muk bi sakpen. Le bi baa Piita ni Yesu aakpambalb biken na, "Tinaabitiiib, ti ga ḥa kinye?"

Hiibru Yaab 4:2 Ti mu ḥun tibɔnyaan tee ke binib ngbaan aah nan ḥun ti pu na. Bi nan ḥun ti, kaa gaa ti ki kii, nima le tibɔnyaan ngbaan aa ḥa bi tinyoor.

Jeremia 24:7 M ga tii bi lineen li ga cha bi bee ke min le ye Uwumbor na. Baah ga gir ni m chee ni bisui mɔmɔk pu na, le ga cha bi li ye maanib, le m mu ga li ye Baawumbor.

Lituln 16:14 Upii ubaa nan bi nima ki ḥun taah len pu na. Bi nan yin u ke Lidia. U nan ye Tiataira aatiŋ aapii la, ki chuun kooh ḥitanyaan aakeken ḥi kpa kidaak na. U nan ye upii u pak Uwumbor na la. Le Tidindaan piir usui ke u pel mbamɔm, ki gaa Pɔɔl aah len pu na.

Matiu 13:14-16 Baah bi pu na, le ni gbiin Uwumbor aabɔnabr Aisaya aah nan len pu na ke, 'Bi ga pel ki pel, kaan bee Uwumbor aaliin aatataa. Bi ga lik ki lik kaan li waa. 15 Ba pu? binib ngbaan aasui aa bi nibaa ni. Bitafal kpaa la. Bi ḥub binimbil, kaa ban ke binimbil woln, kaa ban ke bitafal ḥun, kaa ban ke bisui bee Uwumbor aaliin aatataa, kaa ban ke bi kpeln baabimbin ki dii Uwumbor aasan ke u tii bi laafee.' 16 "Nimi maadidiliib, Uwumbor aanyoor bi ni pu; ba pu? ninimbil woln, nitafal mu ḥun.

Aisaya 6:9,10 Kina pu le u bui mi ke m li cha ki ti di tibɔr tee tuk binib ngbaan ke, "Ni po gee ni ḥa pu, ni ga pel ki pel, kaan bee Uwumbor aaliin aatataa. Ni ga lik

ki lik, kaan li waa tiwan ni nani na." 10 Le u ki bui mi ke, "Cha binib ngbaan aasui taa li bi nibaa ni, ki cha bitafal kpaa, ki cha binimbil mu job, aan bi taa li waa ki taa njan, ki taa bee nibaa. Ni yaa kaa ye kina kan, bi ga kpeln baabimbin ki dii mi aan m tii bi laafee."

Mak 4:11,12 Le u bui bi ke, "Uwumbor le cha ni bee waanaan aaboborkaan. Binib bi kaa bi waanaan ni na, u njak bima le njiyatajek, 12 'Aan bi lik ki lik, kaa waa, ki pel ki pel, kaa beer naatataa. Bi yaa njan ki bee naatataa kan, nibaakan bi ga kpeln baabimbin, aan Uwumbor di cha baatunwanbir ki pinn bi.'

Jonn 12:39,40 Aisaya aah len kina na, le baa nmaa gaa Yesu ki kii; Aisaya mu ki len ke, 40 "Uwumbor job binimbil ke bi taa li waa; ki cha bitafal poc, bi taa bee waaliin aatataa, ki taa fenn dan uwob ke u tii bi laafee."

Rom Yaab 11:7,8 Kina kan, ni bi kinye? Israel yaab aah ban pu na, baa kan. Uwumbor aanileekaab le kan. Bi gur na gaa biyil. 8 Ni nmee Uwumbor aagban ni ke, "Uwumbor chuu nyan nlan biyil ni ke binimbil taa woln, bitafal mu taa njan, ki nan saa dandana wee."

2 Tesalonika Yaab 2:10,11 ki li kpa nlan mu kaa njan na ke u nmann binib bi Uwumbor ga daa bitafal na. Bi yii Uwumbor aabor ti ga cha bi nmar na, kaa gee ti. Nima le Uwumbor ga daa bitafal. 11 Baah yii Uwumbor aabor na, nima le u cha nnyamoen aapak bi bisui ni, bi li pak nnyamoen.

Matiu 13:18-23 "Li pel man aan m tuk nimi unii u yaa njikaabim na aayatajek aatataa. 19 Binib yaa njan Uwumbor aanaan aabor kaa bee taatataa kan, le kinimboj ga dan nan nyan tibor ti bi bisui ni na. Njikaabim mu lir nsan ponn ni na le na. 20 Njikaabim mu lir ntakpateer pu na mu ye binib bi njan tibor ngbaan, ki gaa ti mala ni mpopiin na. 21 Bi mu aa gaa ti mbamom bisui ni. Bi ga li joo ti ni yunn siib. Bi yaa kan limukl ti pu kan, bee binib yaa na bi falaa ti pu kan, libuul ngbaan ni, le bi ga di ti lii. 22 Binib ngem mu bi ke njikaabim mu lir ikokon ponn ni na la. Bi njan tibor ngbaan la. Le bitafal bi baabimbin ni, ni liwankpal ni. Nima le ku tibor ngbaan bisui ni, le taa mar. 23 Binib bi njan tibor ngbaan ki bee taatataa, ki kii ti na, bima le bi ke njikaabim mu lir kitij ki njan na ponn ni, ki mar na. Ngem lun nkub nkub, ngem mu lun imonko itata, ngem mu lun piitaa piitaa."

2 Korint Yaab 3:15,16 Bi yaa karn Moses aakaal kan, baa beer naatataa ki nan saa dandana. 16 Unii yaa fenn ki dii Tidindaan kan, u ga bee naatataa.

Aisaya 30:28 U yaa chuun kan, libuln lolni u pu nsan ke nwam mu voor tiwan momok na la. Li nar njitimbol momok njaan ki kuln nj, njaatunwanbir pu.

Hosea 11:3-7 To, m mu le nan mok Israel lisachuln. M voor maanib nmam njaal ni, le baa nyi ke min le joo bi. 4 M di ngeehm ni lineen daa bi dan mbaa chee. M nan voor bi paacham ki di bunj mbogbiln pu; m nan soon taab ki kpiin bi. 5 "Bi yii kaan gir ni m chee, kina pu le bi ga ki gir ljipt aatiq ni, le Asiria aabor ti li joo bi. 6 Butob ga nar baatim njaan ki gbaa wo mu aagon aabisamoi. Maanib aah njan bibaa aageehn aatuln li na le ga cha bu bii bi. 7 Bi nyan sil ke bi nya m chee la. Bi ga wii lituln li nyik bi pu na pu, le ubaa mu aan tuur bi.

Matiu 11:28-30 "Nimi bimok tun lituln ki ti bak na, dan m chee man, le m ga tii nimi lifuur. 29 Gaa maatuln man, ki bae mbaem m chee; m bi suuna, ki sunn mbaa taab. Ni ga kan lifuur; 30 ba pu? maamokm aa poc. Maatuln mu aa nyuun."

Lituln 26:18 aan ki ti tuk bi maaliin, ki cha binimbil woln, ki nyan bi mbomboon ni, ki cha bi li bi nwiihn ni, ki nyan bi kinimboj aanjaal ni, ki di bi ja Uwumbor aanjaal ni, aan ki cha bi gaa min Yesu ki kii, aan Uwumbor di cha pinn bi baatunwanbir, ki di lifaal tii bi ni binib bi bi chain na, baah gaa min Yesu ki kii pu na pu.' "

2 Timoti 2:24-26 Tidindaan aatutunn taa li kpak kinikpakpak. Ni jan ke u li jan binib momok tibulchinn, ki tuk bi Uwumbor aabor mbamom, ki li kpa limor, 25 ki li bi suuna, ki sur binib bi kpak u kinikpakpak na. Nibaakan, Uwumbor ga cha bi kpeln baabimbin ki bee waabor ti ye mbamom na, 26 ki ki kpaln binib, ki nyan ni kinimboj ki nan chuu bi ke bi li jan kaageehn na aanjaal ni.

Tibokpiirkaan 3:17-19 Ni len ke ni ye biwankpadam ki kan liwangol kaa lann nibaa, kaa tee nyi ke ni kpa kinimbaak, ki ye bigiim, ki ye bijoom, ki si njimeen la. 18 Nima pu na, m sur nimi ke ni daa m chee salmaa u bi di pu mmii ni aan u ja chain na, aan ki sil li ye biwankpadam; ki daa m chee tiwanpeenkaan ni piin na ki di peen, aan binib taa ki kan naah si njimeen pu na; ki daa m chee linimbil aanyok ki di mee ninimbil aan ki likr. 19 Maah gee binib bimok na, m sur bi ki dar bitafal. Nima pu na, cha ninimbil li man aan ni kpeln nimi aabimbin man.

2 Korint Yaab 7:10 Ba pu? Uwumbor yaa cha unii kpa mpombiin waatunwanbir pu kan, nima le ga cha u kpeln waabimbin ki jmar. Naan ki gar u. To, dulnyaa wee ni aapombiin joo ni nkun la.

1 Bibork 18:37 Gar mi Uwumbor, gar mi, aan binib bimina bee ke sin Uwumbor le ye Bidindaan, le ki bi giini bi aabaa chee."

2 Korint Yaab 4:4 Kinimboj ki joo dulnyaa aanib na le job binib bi kaa gaa Yesu ki kii na aanimbil, ke tibonyaan tee taa woln binimbil. Tibonyaan tee tuk timi Kristo aah jan sakpen pu na. U ye Uwumbor aana la.

Luk 8:11-15 "Liyatajaki ngbaan aatataa le ye ke njikaabim ngbaan le ye Uwumbor aabor. 12 Mu lir nsan ponn ni na le ye binib bi jan Uwumbor aabor na. Le kinimboj dan nan nyan ti bisui ni, bi taa gaa Uwumbor ki kii, ki jmar. 13 Mu lir ntakpateer pu na le ye binib bi jan Uwumbor aabor ki gaa ti ni mpopiin na. Bi mu aa gaa ti bisui ni mbamom. Bi gaa Uwumbor ki kii ni yunn siib; to, ntou yaa pii bi kan, le bi ga di u lii. 14 Mu lir ikokon ponn ni na le ye binib bi jan Uwumbor aabor aan ki cha bitafal bi liwankpal ni, ni dulnyaa ni aawan ni mo na ni, ni baabimbin aabor ni na. Nima le ku tibor ngbaan bisui ni. Le taa mar. 15 Mu lir kitij ki jan na ponn ni na le ye binib bi aasui jan ki ye mbamom na, ki jan Uwumbor aabor, ki joo ti mbamom, ki kpa limor, ki dii Uwumbor kaa di cha na."

Lituln 15:11 Binib bi kaa ye Juu yaab na yaa gaa Tidindaan Yesu ki kii kan, waanimbaasaln pu le u ga gaa bi lii. Kina le u ga gaa ti mu lii."

Rom Yaab 8:13 Ni yaa dii unibon aabimbin aah ban pu na kan, ni ga kpo la. Ni yaa kuln nimi aawon aatunwanbir, Uwumbor Aafuur Nyaan aapoon pu kan, ni ga li kpa limofal li kaa kpa ndoon na.